


羊城古鈔

五

ル 5
1519
5



門 九 5 6
1519
5

傳

黎民表字惟敬舉嘉靖甲午鄉試以母李恭人
促之仕授翰林院孔目轉吏部司務辦內閣
制敕事擢南京兵部職方司員外母喪歸起
改戶部浙江司監通州倉轉餉雲中召還內
閣掌制敕侍經筵預修世宗寔錄書成晉郎
中加四品俸修玉牒復修穆宗寔錄成升河
南叅議尋致仕素性坦夷好讀古書過目成
誦其爲文自成一家詩則和平爾雅出入建
安梁陳之間尤善於書法卒後購其片紙輒



數金三朝掌故凡有大制多出其手應制篇什甚衆皆諷諭得體生平淡泊自甘不問生產貧約如寒士嘗與修廣東誌從化誌羅浮志著有瑤石山人稿北遊稿諭後語錄養生集錄文集行於世子邦炎登進士

廣州府志

倫文叙字伯疇長身玉立頭顱大二尺許宏治己酉以儒士就試御史周南得其卷於遺才中嗟異之八試果中高等己未會試殿試皆第一授翰林修撰學行才器爲世所推重乙丑武宗登極頒胡安南充正使會丁外艱歸

不果行庚午起復充經筵講官超右春坊右諭德癸酉進修玉牒命主考應天試事竣卒於京年四十有七文敘天性純厚篤於孝友仗義恤孤室無私財雅有宏量人皆以台輔期之三子長以諒正德丙子鄉試第一癸未進士選庶吉士出爲山西道御史歸養起補浙江道改吏部文選司主事歷稽勲司郎中出爲南京通政司叅議尋丁內艱遂不復出性孝友尤能濟人之急而無德色人美其有父風焉次以訓以詵另有傳

年城古鏡 卷六
倫以訓字彥式文叙次子年十六中正德癸酉
鄉試丁丑會試擢第一廷試第二授編修晉
修撰己丑壬辰兩分校會試充經筵講官進
諭德主試南畿旋出爲南京國子祭酒以斯
道爲己任迎母就養母歸卽疏請還粵人多
其孝平生儉約不苟取予熟於昭代典章壬
辰會試文質一策究極古今循環之迹而變
通以道帝大獎異後建崇質殿蓋取其意云
所著集八十卷國朝彙憲二百卷卒年四十
霍子衡字覺商瑞州郡丞霍騰蛟之子弱冠舉

萬歷丙午鄉書初授海康教諭擢國子監助
教改都察院司務遷戶部主事晉郎中出知
袁州府廉潔自持擢太僕寺少卿甲申國變
遂歸杜門不出丙戌冬十二月望日部院佟
養甲總兵李成棟潛師由惠入廣是夜五鼓
子衡朝衣北面稽首次易大紅服往謁祖祠
歸辭家廟集三子而命之曰忠孝二字臨難
毋苟免汝曹讀古人書曾知之乎三子唯唯
皆願相從地下子衡援筆書壁曰世受國恩
不忘大義爲臣死忠爲子死孝闔門赴水死

以報國又大書忠孝節烈之家於白版豎堂
上從容赴宅後大塘中而死妾莫氏繼之有
僕欲援長子應蘭亟止之曰毋正吾父子得
所時也應蘭立岍上待其弟應荃應芭偕妻
徐氏區氏赴水死應蘭乃與妻梁氏及女大
娘同赴水死應蘭死時以三幼子付老僕撫
養以存宗祀小婢亞長亦投水死事聞部院
佟養甲親往祭奠表其門曰闔門死節之家
後葬於石人園岡諸塚壘壘過者莫不欷歔
同時死者子衡姊子番禺舉人梁朝鐘及舉

人樊于震南海舉人梁萬爵龍門舉人廖翰

標諸生郭景相樊良佐黎士奇李應春樊廷

槐孫玉璵玉球等

廣東通志

龐尙鵬字少南嘉靖辛丑進士知樂平縣治行
卓絕召爲監察御史命覈浙江軍餉發總制
胡宗憲監軍鄢懋卿冒破之奸語侵嚴嵩幾
中奇禍復命猶執奏如前直聲動天下上防
倭五事計畫詳悉出按河南強宗歛戢貪吏
皆望風解綬丁外艱服闋起河南道理考察
事時科臣胡應嘉刺太宰得罪尙鵬疏救且

劾輔臣郭朴尋按浙江發歸安豪宦縱橫之
罪又立均徭條鞭法請著爲令礦徒倡亂啟
撫臣劉畿剿平之建孫忠烈祠修岳忠武墓
以示風勸改京畿學政都人士翕然丕變穆
宗踐祚條陳時政數萬言擢大理寺丞時議
復九邊屯鹽因晉右僉都御史以行內侍張
恩馳驛殺人劾戍之并劾御史孫以仁賍私
給事中張齊陰攘邊餉言官惡傷其類啣之
尙鵬巡歷各邊與總督王宗古克成厥功執
政猶忌御史邵永春修前郅中之疏下吏部

太宰楊博持甚力忤輔臣高拱意傳旨勒博
致仕而落尙鵬職未幾博召用尙鵬以僉都
御史起督福建軍務蠲宿逋五十餘萬踰年
擢左副都御史時張居正奪情言者俱得罪
尙鵬移書申救居正黨陳三謨望風旨以考
滿年月小誤劾之回籍值母病得永訣時謂
天成大孝云居四年卒尙鵬忠介慷慨負膽
畧有經濟才所著有可亭稿十六卷奏議十
卷殷鑒錄行邊漫記弟尙鴻彙爲評斷疏進
之天啟初賜諡惠敏

龐嵩字振卿博通經籍嘉靖甲午舉人講學羅浮山中執經士百有餘人釋褐判應天遷治中攝府尹事值歲歉輒發粟賑給蠲積逋勞來撫循轉徙者復業時江寧永豐葛仙二鄉數有水患逃逋之餘僅及七戶嵩築堤闢萊得田三千六百畝立惠民庄召貧民佃種收其租以補稅額之缺折獄無大小必慎察其情不爲鈎距而奸不能欺宗藩勢貴之家有干紀者必論如律單騎行縣所至肅然以績留刑曹郎嵩諳於事而介其所執議廟堂不

能奪以故見忌於時嘗科比律例撰刑曹志爲四編曰原刑曰司刑曰詳刑曰明刑尙書陶尙德深禮重之出守曲靖曲靖故獯猺雜處難治嵩崇教化刻同文編以變俗奉檄開濬滇池及理鑛務皆有成績年五十餘以老罷歸嵩舉鄉出錢德洪之門在留都新泉書院講王文成之學及歸從湛若水遊聞隨處體認天理之旨詣極清純好學弗倦若水謂北有呂涇野南有龐弼唐江門之緒不墜云官二千石食不兼味衣裳布素築鳴弦閣於

西樵大科峯下常棲息焉終年七十七所居
弼唐鄉學者稱爲弼唐先生輯其遺言存稿
五經四書講義太極圖解行於世崇祀應天
曲靖名宦子一夔一德並舉於鄉

王漸達字用儀父傳泰州學政祿俸悉以濟貧
比卒母謂漸達曰貧至此兒欲以讀書佐食
何異藝石田濟枵也漸達泣曰兒力不任農
圃巧不任工商惟力學足代耕耳乃苦志鑽
研登正德丁丑進士授刑部主事尋請侍養
起刑曹條陳四事言極剴切人皆危之而書

留中不報再乞歸與倫以諒爲四方之遊徧
歷名勝家益貧以諒歲周之霍韜亦重其爲
人嘗曰予生平莫逆交惟王用儀梁日孚耳
著有水觀記正學記四書通言嶺南耆彥傳王
氏宗禮青蘿文集隆慶初卹建言諸臣贈光祿
少卿子原相登進士江西按察使

黃衷字子和父璉居喪盡禮以學行稱士多遊
其門衷幼穎絕倫三歲頌孝經問孝本天性
何別於天子諸侯璉大異之宏治丙辰登進
士授南京戶部主事監江北諸倉覈括積歲

侵羨得粟十餘萬及督權楊州丁內艱去時
僅四十日輸銀九千三百餘兩前此卽一歲
之內也起復除戶部晉員外復擢外艱補南
京兵部員外歷武選郎中在留都久與顧璘
陳沂輩以詩文擅名出知湖州府遷福建都
轉運使晉廣西叅政執法繩奸境內肅然以
征古田有功增俸一階辛巳擢雲南右布政
以征芒市功轉左尋擢右副都御史巡撫雲
南薦賢黜貪安民禦盜清里役以節材力復
條陳地方利病八事皆切機宜移鎮湖廣墨

吏多望風解去修沔陽州龍淵滄浪等堤在
鎮數月積粟八十餘萬石銀四萬餘兩丙戌
以討賊功晉工部右侍郎改兵部右侍郎乞
休不允會忌者恣爲飛語竟以削秩衷未嘗
置辨也久之詔復職致仕卒年八十所著有
矩洲文集十卷奏議十卷海語一卷詩集十
卷

黎貫字一卿從化人登正德丁卯鄉試授建平
教諭力禁溺女之俗葺名宦祠祀吳應龍輩
十人丁丑登進士第選庶吉士作大禮慶成

賦爲時所稱授陝西道御史首言京師火甲
之弊奏可民賴以蘇奉命福建清軍閱帑時
鎮守內臣同布政使乾沒帑金以萬計貫按
劾之又疏請表孫燧許達等忠節褒錄先發
宸濠逆狀鄭岳等三臣皆從之嘉靖初流賊
起山東奏設總制大臣以理軍事及請兩廣
行鵬剿之法咸用其議正德中賦入上供之
數權其輕重以爲定式又令戶部覈奏績官
必糧完乃得遷徙著爲令時廷議欲以戚畹
奉安陸陵祀貫謂非宜疏論之癸未出按江

西首辯冤獄罷浮橋之害遭父喪歸庚寅起
視河南道事上疏忤旨下詔獄罷爲民卒於
家年六十有七建邑以來士人登第者自貫
始所著有臺中稿使閩稿西巡稿及文集六
卷傳於世子民表民衷自有傳孫邦炎亦登
進士歷江西叅政

何維栢字喬仲南海人少爲三水諸生見同舍
生臨祭而謔輒引避衆皆愧服慕西樵泉石
之勝負笈讀書其中時湛若水霍韜亦山棲
與語多默契嘉靖辛卯舉於鄉乙未成進士

三才古錄 卷六
選庶吉士尋授御史疏止沙河功德二役省
費百萬再疏罷征安南師極論毛尙書伯溫
奪情非禮帝多嘉納未幾謝病歸與劉模王
漸達陳激衷往來講究比北上訪羅欽順以
証陳獻章之學復補御史出按八閩值歲大
稔福興漳泉四郡爲甚下車輒發倉廩賑恤
所存活者數十萬因條爲救荒十策著爲令
是時嚴嵩顯柄維栢疏論嵩罪至比之李林
甫盧杞帝震怒詔逮之所過士庶遮道以萬
計緹騎持之急諸生大哭維栢拱手謝曰此

予慮定而後發人臣之義自當如是生何哭
爲逮至杖瀕死下獄法司承嵩風旨逼供諸
科臣同黨酷掠不變免歸屏居僧舍聚徒論
學隆慶改元復原官擢大理少卿俄遷左副
都御史協理臺務徐少師階楊少傅博甚重
之大政多所取決尋以憂去萬歷初徵拜前
職無何轉吏部侍郎前後請修聖德勤聖學
飭羣工諸疏多剴切出爲南禮部尙書次潞
河遂乞骸骨歸角巾野服恣遊名山闢天山
書院發明獻章宗旨薦紳之士皓首北面尙

三城古鏡 卷六
書葉夢熊僉事陳吾德輩多出其門並以勳
節著聲海內云卒年七十七諡端恪所著有
易學義禮經辨太極圖解天山存稿及編陳
子言行錄傳於世子崇亨以廕歷南京都督
府經歷

陳英字廷佐原籍四明扈宋入粵祖德甫元廣
州路提領始籍南海傳子季澤明洪武初舉
人材赴闕授叅議英其曾孫也博記能文尤
工詩賦甫遊郡庠隱居樂志授徒講學多士
景從嘗建秋澗草堂於歸德門左澗當四山

諸水之間常踞石倚樹囂囂踴踴四顧超然
放歌獨樂郡人稱之爲秋澗先生香山黃佐
爲英高弟其父畿建粵洲草堂英與爲道義
交時稱穗城二隱子則官御史立朝忠正別
有傳

黃畿字宗大邑庠生以養親絕意進取隱居粵
山之麓乃研九流通三才五行之蘊撰三五
元書始猶雜於釋老旣讀皇極經世深造其
奧遂訂律歷作皇極管窺十三篇晚年潛心
大易中庸曰中庸易之疏義也太極通書定

性西銘猶中庸也乃述易說若干篇性至孝
父母有怒長跪俟釋乃起居喪哀毀既葬日
猶哭諸墓田宅財帛兄弟欲之卽與一無所
靳捐置義田以贍鄉族學者稱爲粵洲先生
黎遂球字美周祖瞻父密皆有詩名球生而岐
嶷博學能文天啟丁卯舉人初上公車名噪
京師歸而丁外艱遂杜門著述服闋再赴春
官不第歸道揚州進士鄭元勳集名流於影
園賦黃牡丹詩遂球卽席立成十首一時共
呼牡丹狀元是時流寇內訌詔大臣保舉經

濟名儒禮部侍郎陳子壯首舉遂球以母老
不就粵東饑遂球畫賑濟之法存活甚衆崇
正末有叛將擁衆數萬自湖南挾吉藩突至
連州省會洶洶遂球言諸按察使方震孺令
嚴警備勵人心徐以檄呵叛將去亂遂寢子
壯力薦之遂球始出授兵部職方司主事監
督廣東兵守贛州城破與弟遂珙死之著有
周易爻物當名蓮鬚閣詩文集

廣東通志

彭耀字著卿順德人崇正己卯舉人爲秦令有
能聲順治三年汀州構變丁魁楚等擁立桂

王子永明王由榔於肇慶燿任給事中值唐
王聿鍵大學士蘇觀生退入廣州欲與魁楚
共事魁楚素輕觀生拒不與議適唐王弟聿
鏞與大學士何吾騶自閩至或倡兄終弟及
議觀生等擁立聿鏞永明王遣燿與主事陳
嘉謨齋勅往諭燿過家拜先廟托子與友人
至廣州以諸王禮備陳天潢倫序及監國先
後語甚切至因歷詆觀生諸人觀生怒執殺
之後諡忠愍

順德縣志

陳邦彥字會斌順德人以文行負重名從學先

後數千人稱巖野先生少慷慨喜大節屢試
冠諸生領鄉薦久之不第崇正十七年寇陷
京師邦彥憂憤草中興政要數萬言走南都
上之報聞唐王聿鍵自立以蘇觀生薦授監
紀推官未任改職方主事監廣西兵授贛州
會丁魁楚等已立永明王監國於肇慶觀遣
邦彥入賀而別立唐王聿鏞於廣州邦彥不
知也夜召入對邦彥始知觀生賣已遽出不
意而進對以誠王大悅立擢兵科給事中齋
勅還諭觀生抵廣州止近郊不入移書觀生

責以大義觀生不顧邦彥遂變姓名入高明
山中順治三年冬 大兵破廣州觀生死列
城悉下邦彥乃謀起兵四年春 大兵克肇
慶梧州敗走勢危甚順德大盜余龍者在甘
竹灘衆數萬邦彥乃說龍乘間圖廣州而已
發高明兵由海道入珠江與龍會 大兵自
桂林還救龍等掠城外而退邦彥遣門人馬
應芳會龍軍取順德 大兵至黃連龍與應
芳俱敗績應芳亦順德人被執不屈縛而沉
之水龍再戰敗沒邦彥乃棄高明初廣州之

圍 大兵知謀出邦彥密使騎掩獲其妾何
氏及二子乃書招邦彥邦彥大判其書曰妾
辱子殺身爲忠臣義不顧私七月與陳子壯
密約復攻廣州子壯先至與邦彥軍合伏兵
禺珠 大兵還救會城縱火焚舟 大兵引
而西邦彥尾之日暮子壯不能辨旗幟陣動
大兵順風追擊遂大潰子壯奔高明邦彥奔三
水八月清遠指揮白常燦以城迎邦彥乃入
清遠與諸生朱學熙嬰城固守 大兵薄城
伏人於廟關鐘喜與常燦死之邦彥巷戰肩

羊城百錄 卷六
受三刃兵且盡走朱氏園見學熙縊題詩三
章於壁赴水不死旋被執檻至廣州不屈被
戮永明王贈邦彥兵部尚書諡忠愍廕子錦
衣指揮 廣州府志

陳子壯字集生號秋濤曾祖紹儒工部尚書父
熙昌吏科都給事中子壯天啟乙丑進士廷
對第三人授翰林院編修時父熙昌任平湖
令以治行徵爲吏科給事中劾魏忠賢奸狀
璫怒撫子壯甲子典試浙江試錄中語以爲
誹謗父子同日奪官懷宗立逆璫伏誅詔起

諸言事者子壯以論德召熙昌亦遷吏科都
給事中會熙昌卒子壯居憂服闋不入官凡
五年轉少詹明年遷禮部侍郎充經筵講官
每逢講上動容傾聽又召對擬票疏稱旨子
壯敏練掌故奏對動合機宜崇正八年流寇
蹂中都燬皇陵召廷臣問策子壯因陳時務
十二事詔行其十事焉藩唐王周王皆以小
故劾州縣道府官並下獄論治子壯具疏揀
之適有詔宗室中具文武材者許改秩授職
子壯疏言不便懷宗怒下獄廷臣交章申救

得減死放還久之廷臣交薦起故官未上任
京師陷福王立起禮部尙書金陵破永明王
授子壯東閣大學士兼兵部尙書總督廣東
福建江西湖廣軍務會

國朝兵入粵子壯自念世受明恩期以死報乃
破產招集流散丁亥七月遂率舟師千餘艘
攻廣州戰敗退保高明十二月城破被執死
之永明王贈子壯番禺侯諡文忠蔭子圖錦
衣衛指揮使所著多散失僅傳經濟言南宮
集禮部堂稿練要堂諸稿

南海縣志

鄺湛若南海人名露少工諸體書督學使者以
恭寬信敏惠題校士湛若五比爲文以真行
篆隸八分五體書之使者黜置五等湛若大
笑棄去縱遊吳楚燕趙之間賦詩數百章才
名大起歲戊子以薦得擢中書舍人庚寅奉
使還廣州會敵兵至與諸將戮心死守凡十
閱月城陷幅巾抱琴將出騎以白刃擬之湛
若笑曰此何物可相戲耶騎亦失笑徐還所
居海雪堂環列古奇器圖書於左右嘯歌以
待騎入竟爲所害爲人好詼諧大言汪洋自

恣以寫其牢騷不平之志或時清談緩態效東晉人風旨所至輒傾一座至爲詩則憂天憫人主文譎諫若七哀述征之篇雖小雅之怨誹離騷之忠愛無以尙之其當事君行云不啞吞炭漆爲厲殿屎八梁匍匐八厠更音易貌心苦悲良友斷腸妻不與知百年意氣生命促不斬君衣何能瞑目主讐未報白日逋亮爲國士安得完膚身無完膚讐未報斬衣流血徒草草褫仇之魄以愧二心臣命不如臣心已窮蓋可以見其志矣子鴻字劇孟亦負不羈之才二十餘能詩及擊劍先時丙戌之變率北山義旅千餘戰敵於廣州東郊死之得贈錦衣千戶父子皆烈士也而世徒以爲風流曠達詩人也噫

逍遙居士番禺隱士蒲衣子王隼女隼生而善病癯體鶴立結淥廬於西山之麓者二十年夫人潘氏通史漢諸書樂貧偕隱字之曰孟齊有女瑤湘能詩擇婿得故人子李孝先遂妻之蒲衣子性嗜音常自度曲孝先倚而和之瑤湘吹洞簫以赴節兩闌更靜則聲發淥

廬中聽者有月笙雲璈之想未幾孝先卒瑤
湘怡然矢節自稱逍遙居士蒲衣爲刻逍遙
樓詩梁太史藥亭寄示瑤湘書云聞瑤湘讀
書余甚喜余與汝祖若翁交凡兩世矣視汝
一如已子故甚望於汝之成也余有女龍端
少汝一歲頗聰慧余授以詩上口卽能背誦
而余性懶不能常授以此龍端之學不及汝
聞近讀漆園南華南華之文章善幻而其言
道也必遡乎未始有道其言物也必主乎齊
齊而列以不齊之狀總歸於化善讀南華者
當知之又讀禮經禮經漢白虎諸儒之所著
也二戴大小夏侯各師其傳然不越天下國
家朝會燕饗嘉勞贈答儀文縟節至言閨門
則禮之節蓋謹矣更讀離騷楚臣屈原不得
於君發爲奇文香草美人芳蘭君子三湘九
嶷之間左倚桂旗右覽揭車汝誦之倘亦有
恍焉如見者乎余何時得來汝父西山見
於深廬使汝將所讀書各誦一遍俾予泠然
稱善也觀太史書精深雅麗其寄示當在瑤
湘未字孝先時瑤湘非奇女子何以得此於

藥亭哉

觚賸

二妃者一曰益陽王妃丁亥某月王遇害廣州妃某氏色美兵欲妻之妃曰王故夫也亟具棺衾得盡一哀以事新者當無復恨兵出市棺衾妃陰置小刃數十袒衣中整刃外向喪服哭泣視殮含與兵出葬北山既畢兵遽前犯妃妃大罵兵怒抱持益急身數十處觸刃血漉漉仆地妃乃反刃自殺又一日潞陽王妃庚寅春滋陽銅陵興化永豐信陽永寧凡五王同客惠州圍急奉化伯黃應傑者與副

使李士璉襲執五王以惠州先降既而悉縊殺之王子在襁褓者及宗室女已嫁者皆捕殺無遺滋陽既薨其妃某氏色美應傑苦欲犯之羸其上衣繫於柱妃乘間細拆下衣爲縷經死

林氏者廣州之河南鄉人丙戌城破林氏投珠江而死番禺羅賓王弔之有曰黃泉隨母逝白壁爲夫全抱玉雲飄海沉珠月在淵又李氏者番禺三元市人庚寅廣州被圍朔騎抄掠得之不辱賦詩十章而縊有曰恨絕當時

步不前追隨夫婿越江邊雙雙共入桃花水
化作鴛鴦亦是仙味其辭其夫必先自沉者
又有王桂卿者廣州人爲張叅戎之妾丙戌
年始二十兵至拜辭其夫彈琵琶一曲自經
死鄺湛若弔之有日墜樓未散香煙夢被髮
猶存石鼓歌鴈柱只今餘玳甲爲憐落木晚
風多

天濠街婦庚寅冬廣州拔天濠街有婦襁負嬰
兒以長繩繫腰接於樹赴池而死事定引繩
出之色如生

張麗人傳 麗人姓張氏其母吳倡也以善謔
轉籍入越生麗人體貌瑩潔性質明慧幼卽
能記歌曲尤好詩詞每吟唐人銅雀春深之
句自名二喬客或語二喬雙稱也不如呼爲
小喬麗人應聲曰兼金雙璧名有相當因笑
指鏡中影曰此亦一喬也于是二喬之名艷
稱于時麗人稍長其母將擇伶之美者贅焉
仙城豪貴謀爲落籍有以三斛珠挑之者麗
人堅不爲動長嘆辭曰我母愛我不可鬻離
且已委身字人蝶粉可污燕巢終在不聊勝

于入他人手吼獅換馬又隨風漂泊哉甚至
有設械張羅以致之者喬惟舞眉冷哂而熱
嗔之無已則向大人先生之風流雅望者使
爲祝解于時文酒之會則喬必在脫珥佐觴
張燈拂席三城詞壇遂爲名花之藜媚珠之
淵避鷗獺乎顧亦能爲小詩善觴政操縱雖
一花半茗清歡無疲善鼓琴往往人靜夜長
忻然而弄好博賽呼賭輒盡輸其金釵珠璫
未嘗肯稍負責于人亦未嘗以小頓肯易心
向金夫也年甫及笄麗人隨諸伶于村墟賽

神作劇夜宿水二王廟夢王刻期聘之爲妃
醒以語其母泣然淚下拍板而誦羅郎比紅
諸紀宛轉悲愴及期無疾而逝粵中名流葬
諸梅花坳黎美周誌其墓畧曰嗟乎予知麗
人故不屈於勢者王何由致之豈洛水凌波
乃符銅雀之讖耶若夫粉黛何假美人何真
艷色等空春花易謝後之過者知爲麗人埋
香處明月爲鏡清風引簫好鳥和歌蛺蝶自
舞徘徊其間倘有霧鬢風鬟一唱三嘆者出
焉能不爲傳書之柳毅乎麗人有蓮香詩集

存 觚 贖

陳恭尹字元孝號獨漉父邦彥死義恭尹無書
不窺工詩文爲嶺南大家名播海內其懷古
諸詩尤悲壯淋漓突過梁屈當道縉紳咸推
重焉著有獨漉堂集兼擅隸艸

廣州府志

梁佩蘭字芝五號藥亭童時日記數千言能通
五經百家之學順治丁酉鄉試舉第一時年
二十六詩文聲價已播海內戊辰擢會魁授
庶常次年假還潔清自好與當事交詩文之
外無他及也所歷名山古蹟莫不留題與諸

名家歌咏酬唱主持風雅其詩清橫醇茂新
城尚書王士正秀水翰林朱彝尊吳江潘耒
皆推重之所著六瑩堂詩後集文集各若干

卷 廣州府志

仙釋

周浮邱公靈王時偕王子晉上嵩山後適羅浮得道因名其地廣東通志南海縣有浮邱山爲羅浮朱明之門戶相傳浮邱丈人於此得道後人指其地建浮邱社塑像祀之區爲羅浮門戶

秦桂父象林人也色黑而時白時黃時赤南海人見而尊事之嘗服桂及葵以龜腦和之千丸十筋桂采諸賁隅之東今羅有累世見之者今荊州南尙有桂丸焉

五仙人

詳古蹟五羊城

安期生瑯琊阜城人賣藥東海時人皆言千歲翁其時齊人李少君者好道入泰山採藥修絕穀遯世之術未成而病遇安期生與神樓散一七服之卽起遂將少君東至赤城南之羅浮北至太行西遊玉門周流五岳數十年後遂飛昇而少君還臨緇市亦壽數百歲安期在羅浮嘗採澗中菖蒲服之至今故老指菖蒲澗爲飛昇處云

按羅浮志安期生者瑯琊阜鄉人賣藥東海邊時人皆言千歲翁秦始皇帝東遊請見與語三日夜賜金璧度數千萬出阜鄉亭皆置而去以赤玉鳥一輛爲報日後數年求我於蓬萊山始皇帝卽遣徐市盧生等數百人入海未至蓬萊山輒遇風波而還立祠阜鄉亭海邊十數處云齊人李少君自言少好道入泰山採藥修絕穀遯世全身之術道未成而病困於山林中遇安期生與神樓散一七服之卽起少君於是求給奴役師事之遂將少君東至赤城南

羊坊百錄 卷六
之羅浮北至太行西遊玉門周流五嶽往
返江川者數十年一旦告曰我被元洲召
卽日當行汝未應隨我今當舍去也須臾
有乘龍虎導數百人來迎安期生乘羽車
昇天少君遂還臨緇市壽數百歲相傳蓬
萊山三島浮山其一也安期生在羅浮時
嘗採澗中菖蒲服之至今故老指菖蒲澗
爲飛昇處廣州志白雲山有鶴舒臺傳爲
安期飛昇處聚龍岡北有蒲澗澗生菖蒲
一寸九節安期生服之仙去按此乃鄭安

期非安期生也

晉鮑靚字太元上黨人漢司隸宣之後年五歲語
父母云本是曲陽李家兒九歲墮井死其父
母訪得李氏推問皆符驗靚稟性清慧學通
經史修身養性蠕動不犯聞人之惡如犯家
諱明天文河洛書人多從受業揚道化物號
曰儒林大興元年八月步道上京行達龍山
見前有一少年姿容整茂徒行甚徐而去殊
疾靚乘名馬密逐數里終不能及意甚異之
及問曰視君似有道者少年答曰我中山陰

長生也覲知爲異人拜而師事焉久之乃授以神丹尸解之法覲後爲南海太守嘗行部入海遇風饑取白石煮食以自濟覲以女妻葛洪洪居羅浮覲晝臨民政夜嘗往來山中或語論達旦人見其來門無車馬獨雙燕往還怪而候之則雙履也後還丹陽年百餘歲卒葬於石子岡蘇峻之亂發棺無尸但有大刀而已賊欲取刀聞左右有兵馬聲乃驚走賊平之後收刀復葬之初吳興徐寧師事覲夜聞覲室有琴聲問焉覲曰嵇叔夜昔示迹

東市其實兵解爾寧欲受秘術謂宜有誓約寧誓不仕於是受籙常見八大神在側遂能前知才識日異鄉縣舉爲主簿寧喜就之八神一朝去其七惟餘一人倨傲不爲用寧問故答云君違誓吾留衛籙耳寧還籙遂不見覲之通神類此

葛洪字稚川丹陽句容人少好學家貧躬自伐薪以質紙筆夜輒寫書誦習以儒學知名性寡默無所愛翫或尋書問義不遠數千里尤好神仙導養之法從祖元吳時學道得仙號

葛仙翁以其煉丹秘術授弟子鄭隱洪就隱
學悉得其法焉後師事鮑靚靚亦內學逆知
將來深重洪以女妻之復傳靚業太安中石
冰作亂吳興太守顧秘檄洪爲都尉討平之
遷伏波將軍洪見天下已亂乃叅廣州刺史
稽含軍事含遇害遂停南土多年始還鄉里
元帝爲丞相辟爲掾以平賊功賜爵關內侯
咸和初司徒王導召補州主簿選爲散騎常
侍領國史洪固辭不就以年老欲煉丹以祈
遐壽聞交趾出丹砂乃求爲勾漏令帝以洪

資高不許洪曰非欲爲榮以有丹耳帝從之
遂將子姪俱行至廣州刺史鄧嶽留洪乃止
羅浮山煉丹嶽表爲東莞太守辭不就在山
積年優游閒養著述不輟自號抱朴子因以
名書洪博聞深洽江左絕倫著述旣富又精
於析理後忽與嶽疏云當遠行尋師尅期便
發嶽得疏狼狽往別而洪坐至日中兀然若
睡而卒嶽至遂不及見年八十一視其顏色
如生體柔軟舉尸入棺甚輕如空衣世以爲
得尸解云

鮑姑鮑靚女葛洪之妻與洪相次仙去已詳見
南海越秀山左有鮑姑井猶存

唐木鄧子不知何許人絕粒修煉於西樵山之金
釵嶺世傳其白日冲舉今丹井尚存後有稱
紫烏利道人者並修鍊此山遺蹟在焉

盧眉娘生而眉綠人呼爲眉娘順宗時南海貢
之能於尺絹上繡法華經字如粟又能以一
絲一縷作飛仙爲蓋五重中有十洲三島天
人玉女臺殿龍鳳之象每日飯胡麻二三合
順宗嘆異之召入宮內謂之神姑至元和中

憲宗嘉其聰慧賜金鳳環以束其腕久之度
爲女師放歸南海仍號曰逍遙太師後數年
不食尸解異香滿室將葬舉棺甚輕開視之
唯存舊履而已其後有人見眉娘乘紫雲於
海上者

晉三藏法師曇摩闍賓國僧也安帝隆安間至廣
於城西虞翻苑創梵刹曰王園寺劉宋永初
間有梵僧永那跋陀羅三藏依寺右創戒壇
立制止道場懺曰後有肉身菩薩於此受戒

卽今光孝寺唐房
融於此受楞嚴經

三城古鏡 卷六
晉宋間釋慧敬法獻皆廣州人潔誠秉教興崇梵
刹爲南徼一時之盛敬有小沙彌爲山魅所
擊魅忽見形詣師具謝云部屬不諳師德橫
撓眷屬罪坐主者弗嚴特用展釋又獻師宴
山寺素闐寂無人忽有兩童子携手歌於師
之前曰藏微有道德懽樂方未央歌罷忽不
見

智藥禪師天竺國僧也武帝天監元年自其本
國持菩提樹航海而來植於王園寺尋流上
至韶州曹溪水口聞水香掬而嘗之曰此迦
上流別有勝地尋之遂開山立石寶林乃預
記一百七十年後有肉身菩薩來此演法至
唐六祖傳衣鉢於曹溪之上果符其說嘗開
月華寺住羅浮創寶積寺後來韶又開檀特
寺靈鷲寺神異莫測朝遊羅浮暮歸靈特普
通六年於羅浮受龍王請入海演法不復返
將去時剪爪髮付弟子善普塑像永鎮檀特
梁達磨天竺王子以護國出家普通入南海止王
園寺得禪宗妙法云自釋迦相傳有衣鉢爲
記世相傳達磨齋衣鉢航海而來至梁謁武

羊城百錄 卷六
帝帝問以有爲之事達磨不對乃之魏隱於
嵩山少林寺遇毒而卒其年魏使宋雲於葱
嶺回見之門徒發其墓但有衣履而已今廣
州城北悟性寺井甚鉅相傳以爲達磨所穿
云

景泰禪師不知何許人有功行道術能役使鬼
物嘗居羅浮山頂池上有蔬葉師曰此泉當
與人境通因書偈投於水偈出廣州王氏池
因捨地爲寺號曰王園寺廣州刺史蕭譽每
召與語朝至而暮宿羅浮時謂聖僧始山中

無水師卓錫於地泉湧不竭人號卓錫泉譽
因建寺於菴所題曰南樓寺師嘗說法有龍
來聽人號其處爲龍王坑大同中又有曇裕
者內道場沙門也武帝謂釋迦有真舍利八
萬四千散在羣方遣裕東來求之裕乃請居
此刹有詔許焉仍分舍利造塔貯之

唐惠能姓盧初范陽人父行瑨武德三年官新州
母李氏感異夢懷妊六年生能時有二僧來
謁因定名惠能言惠衆生能佛事也三歲喪父長鬻薪
供母年二十四不識字聞客誦經云應無所

往而生其心言下大悟問客所從來因辭母
往黃梅參禮五祖祖問以南方獍獠何爲求
作佛能曰人有南北佛性無南北獍獠身非
和尚佛性有何差別祖奇其對暫令隨衆作
務能復曰智慧不離自性今作何務祖益私
心異之一日思授衣鉢乃令衆弟子作偈以
驗見解神秀偈曰身是菩提樹心如明鏡臺
時時勤拂拭勿使惹塵埃衆皆喜誦大譟能
卽賡之曰菩提本無樹明鏡亦非臺本來無
一物何處惹塵埃聞者益大嗟詫祖心知其

頓悟次早潛至碓坊見能腰石而春日爲法
忘軀當如是乎然米熟未也能曰熟久矣欠
篩祖以杖三擊其碓而去能會意三更入室
授衣鉢嗣祖位能辭祖去度大庾嶺遂至廣
州法性寺時印宗方說涅槃經論風幡之動
不能決能進曰非風非幡仁者心動一座盡
驚延之上座與悉奧義見能言簡理當不由
文字謂曰黃梅衣鉢久聞南來行者是耶能
謝讓乃請衣鉢出示衆因問黃梅指授能曰
指授卽無惟論見性乃爲解說不二之法宗

契悟儀鳳元年正月十五日爲能薙髮二月八日就智光律師授滿分戒菩提樹下開東山法門其所演說惟依般若三昧令學者頓悟菩提明年能還曹溪升堂說法徒衆如雲殿前有潭龍常出沒能攝受歸鉢中爲龍說法龍蛻骨去骨長七寸首尾俱具神龍二年中宗詔迎赴闕能辭疾願終林麓許之敕改寶林寺爲中興寺三年仍賜舊居爲國恩寺開元元年八月三日集衆弟子於國恩寺齋罷復說偈已三更端坐奄然遷化異香滿室

白虹屬地年七十有六一時嗣法者四十三人今錄其顯者曰行一禪師曰曉了禪師

宋潘冕南海人佯狂不測人謂之潘驚屬人有趙棠者寓南海從冕遊盡得冕道冕隱去不知所終而棠亦坐化焚其衣得舍利數升蘇軾與棠子昶遊得舍利四十八粒張安道作棠之墓誌具載其事

明曇謏南海人至杭遊徑山寺因叅元叟和尚始悟覺宗遂祝髮爲僧遍歷大方詣普陀巖觀觀音相然二指以蒼靈呪登峨嵋山拜普賢

現身復然二指洪武三年居光孝禪院因號
六指僧

國朝天然菴一禪師南海曾氏子初名起莘舉崇
正癸酉鄉試痛良友陳學銓亡求了生死晝
夜苦參豁然有省取古尊宿語錄讀之無不
貫徹往廬山叅空隱禪師遂削髮爲僧法名
函是父母姊妹妻子咸爲僧尼壬午開堂訶
林住雷峯時平南王尙可喜以禮延之一見
卽還山長慶歸宗二古刹並請開堂師以匡
廬夙緣暫住歸宗退居棲賢丙寅夏居雷峯
詠詩有床前休問菊花期之句八月二十七
作偈投筆而逝年七十八師以盛年孝廉棄
家出世人頗怪之及時移鼎沸縉紳遺老有
託而逃者多出其門始知師有先見云

羊城古鈔卷七

順德仇池石秦山氏輯

古蹟

南武城 按各誌載周赧王時越人公師隅為越相度南海時越王無疆為楚所敗其子孫遜處江南海上相爭為王隅以無疆初避楚居東武有怪石浮來鎮壓其地名東武山固於南海依山築南武城以擬之而越王不果遷其時三晉魏最强越王與魏通好使隅復往南海求犀象珠璣以修獻隅久在嶠外得諸琛異並吳江樓

三城古鏡 卷十
船會稽竹箭獻之魏乃起師送越王至荆棲之
沅湘于是南武疆土爲越貢奉邑或曰吳地志
稱吳中有南武城在海渚闔閭所築以禦見伐
之師或曰初吳王子孫避越嶺外亦築南武城
及越滅吳遂有南海其後爲楚所滅越王子孫
自臯鄉入始興有鼻天子城令公師隅修吳故
南武城旣不果往而趙佗遂都之故佗自稱南
武王而宮亦號南武宮或曰闔閭所築南武城
在丹陽臯鄉吳旣滅其子孫南徙遂移南武之
名于嶺外亦猶越徙瑯琊初築東武旣歸會稽
亦名其地曰東武也吳王子孫不能有其南武
而越王子孫有之越王子孫復不能有之而佗
實有之遂以南武名其國與漢爭大此勁越之
所由稱也

楚庭 廣州舊志周惠王賜楚子熊惲胙命之曰
鎮爾南方夷越之亂于是南海臣服于楚作楚
庭以朝後楚威王滅越兼有南服楚庭之名遂
以傳焉

五羊城 寰宇記周時南海有五仙人衣五色衣
騎五色羊來集楚庭各以穀穗一莖六出留與

州人且祝曰願此闌闌永無荒饑言畢騰空而去羊化爲石城因以名故又曰仙城曰穗城皆以此也今坡山有五仙觀祀五仙人少者居中持粳稻老者居左右持黍稷皆古衣冠像下有石羊五有蹲者有立者有角形微彎勢若抵觸者大小相交毛質斑駁觀者一一摩挲手迹瑩然諸番往往膜拜之薰以沉水有烟氣自竅穴中出若石津潤而生雲也

任囂城 廣東通志在城東二百步甚窄隘宋時爲鹽倉卽古番禺縣治也後并入東城

趙佗城 廣東通志在城東佗廣任囂城爲之後爲黃巢所破

陸賈城 廣東通志在城西十里地名西場漢大中大夫陸賈使南越佗未卽前賈築城以待之盧循城 廣東通志在城南十里南岍上至五代南漢時爲倉廩土人呼爲劉王廩故址隱然南越志云河南之洲狀如方壺相傳劉宋沈田子破循焚其巢穴卽此地

番禺城 按漢書武帝元鼎六年定南越築番禺城于郡南五十里西接牂牁江遷爲刺史治治

廣信卽今之封川縣地非若南武諸城同在省會地也

三城考 按各志越自公師隅築南武城任囂趙佗據之增築以居漢平南越初雖別築番禺城于廣信後至步騭終亦廣故越城而徙居焉至五代南漢時以南城尙隘復平禺山以益之蓋囂佗之增築步騭之廣南漢之益皆本此南武故城而拓之也宋慶歷四年經畧使魏瓘於城角得古磚有銘云委于鬼工瓘以爲應其姓遂加築子城周環五里兼修雉堞皇佑四年儂智

高尅大通港遙望廣州城堅不得逞而去朝廷以瓘有備除集賢院學士再知廣州築東西南甕城門南曰鎮安西曰朝天東南曰步雲東曰行春西南曰素波又改朝天爲有年步雲爲冲霄熙寧初經畧使呂居簡重修東城得古越城遺址復謀築之袤四里爲三門南曰迎薰北曰拱辰東曰震東與子城行春門相接是爲東城合子城爲一熙寧四年經畧使程師孟築西城周十有三里爲門七東南曰航海南曰朝宗曰善利曰阜財西曰金肅曰和豐北曰就日後改

爲朝天是爲西城至紹興二十二年經畧使方滋始修三城三城之稱所由起矣三城之分當以南漢以前之城爲一東城合子城爲一西城爲一或曰東西二城并子城爲三云不知東城旣云與子城合矣安得復分爲二或曰東西連鴈翅也然考鴈翅城創築于陳峴已在方滋修三城之後則非鴈翅也明甚且旣以子城鴈翅城備三城之數將置宋以前之城于何地乎魏瓘加築子城之時去南漢不過數十年耳豈其城盡湮乎史曰加築不曰修築是必舊城完好特于舊城之外而加之其爲南漢以前之城及東城西城可無疑者第自明初三城合一之後求其故址則茫然矣

鎮海樓

在城北粵秀山左明洪武初永嘉侯朱

亮祖建凡五層俗名五層樓矗立雲漢山川形

勝一瞬可悉成宏間燼于火尋修復

國朝康熙二十五年巡撫李士楨復加修葺輝煌

壯麗爲嶺南第一勝槩

斗南樓

在舊府治後城上東矚扶胥西望靈洲

南俯珠海北倚越臺宋靖國中經畧朱師復建

今廢

越華樓 在城西十里咸滄澳廣州記南越王佗以陸大夫有威儀文采爲越之華故卽江滸作樓以居之或曰一名越華館佗築之以送陸賈因邇朝臺稱朝亭唐改曰津亭明成化中都御史韓雍匾曰華節亭

越望樓 在舊藩司署後今不存

海山樓 在鎮南門外樓下卽市舶亭宋嘉祐經畧魏炎建

拱北樓 在藩司前卽唐清海樓也其地本番禺

二山之交劉龔削平之叠石建雙闕其上宋經畧司馬伋重建改雙闕爲雙門今日雙門底元季燬明洪武七年重建

國朝順治十年重修巡撫李棲鳳題曰雄鎮南邦康熙二十五年巡撫李士楨重修題拱北樓三大字

嶺南第一樓 在坡山五仙祠前卽禁鐘樓明洪武七年行省叅知政事汪廣洋建十年改鑄禁鐘懸于上聲聞十里萬歷間樓寢圯當途鼎建甃以石周遭高二丈餘中通來往如郭門狀上

覆棟宇指顧玲瓏擊鐘聲益震蕩豪有力者枕樓居泥形家言鐘不擊數十年所矣惟下方失火擊以召救

玉山樓 在粵秀山上明洪武初都指揮花英所建以祀越先賢高固楊孚董正羅威唐頌疎源陳臨王範黃恭九人玉山爲五嶺山川之望九賢爲十郡人文之望玉山有此樓樓有此九賢可以不朽

奎翰樓 在城東仁壽里梁文康祠內其子孫創以藏四朝所賜璽書數百函

觀海樓 在西濠大觀橋上今廢

寶書樓 在舊藩司左明祭酒黃文裕建侍郎黃

衷記

哇雨樓 在粵秀山下明憲使王原相建

覽暉樓 在仙湖里大學士何吾駒宅後

遠華樓 舊名粵樓在大市闌闐中高五丈餘背倚諸峯面臨鉅海氣象雄偉爲南州冠宋紹興中漕使王□言重建改匾曰共樂元大德中元帥羅璧撤而新之易曰遠華後燬惟存花橋成化三年巡撫韓雍重疏淤塞樓不復建

紫烟樓 在城西門外浮邱社明萬歷中學士趙志臯建左有聽笙亭及大雅堂

赦書樓 在城西龍津橋陳光祿堂建

宸翰樓 在清寧里大學士方文襄建

賜書樓 在官祿巷亦方文襄建

文選樓 在外城之南珠江義學之西建之以撰廣東文選里人因名之曰文選樓有詩曰自今南與北文選有雙樓

濠畔朱樓 廣州濠水自東西水關而入逶迤城南逕歸德門外背城舊有平康十里南臨濠水

朱樓畫榭連屬不斷皆優伶小倡所居女且美者鱗次而家其地名西角樓隔岍有百貨之肆五都之市天下商賈聚焉屋後多有飛橋跨水可達曲中讌客者皆以此爲奢麗地明孫典籍有廣州歌云廣州富庶天下聞四時風氣長如春長城百雉白雲裏城下一帶春江水少年行樂隨處佳城南南畔更繁華朱樓十里映楊柳簾櫳上下開戶牖閩姬越女顏如花蠻歌野曲聲咿啞崗峩大舶映雲日賈客千家萬家室春風列屋艷神仙夜月滿江聞管絃良辰吉月天

三城古金 卷七
氣好翡翠明珠照煙島亂鳴鼉鼓競龍舟爭賭
金釵鬪百草游野留連望所歸千門燈火爛相
輝遊人過處錦成陣公子醉時花滿堤扶留葉
青蜺灰白盤載檳榔邀上客丹荔枇杷火齊山
素馨茉莉天香國別來風物不堪論寥落秋花
對酒樽回首舊遊歌舞地西風斜日淡黃昏又
有爲濠畔行者曰花舫朝昏爭一門朝爭花出
暮花入背城何處不朱樓渡水幾家無畫楫五
月水嬉乘早潮龍舟鳳舸飛相及素馨銀串手
中燈孔雀金鋪頭上笠風吹一任翠裙開雨至

不愁油壁溼曰此濠畔當盛平時香珠犀象如
山花鳥如海畚巨輻輳日費數千萬金飲食之
盛歌舞之多過於秦淮數倍今皆不可問矣

遠志樓

在西樵鐵泉峯下明嘉靖中鄧德昌建

居民侵沒後憲副趙志臯以其地租入浮邱社

越王臺

在越秀山上漢趙佗建爲三月三日修

禊之處南漢劉龔疊石爲道名曰呼鑿傍夾栽

甘菊芙蓉與羣臣遊宴故又名曰遊臺

朝漢臺

各志所載不同舊志謂在郡北蓆帽岡

廣東通志不以爲然謂在城西硬步五代南漢

三城古金 卷七 九
郊天于此番禺縣志又謂在粵秀山西亦曰朝
臺圓基千步直峭百丈頂上三畝複道環迴趙
佗歲時登臺望漢而拜吳刺史步騭登臺遠望
觀巨海之浩茫觀原藪之殷阜乃歎曰斯誠海
島膏腴之地也廣州府志及南海縣志則又謂
在北門外固岡上漢趙佗建與越王臺相近岡
形方正峻立削土所成其勢孤旁無堆埠蓋莖
臺也初南海臣服于楚築楚庭以朝楚至佗亦
做爲之朔望升拜以朝漢固岡高數十丈歷番
禺二山以上羊腸石徑所謂直峭百丈螺道登

是也按固岡在粵秀山西北與粵秀相近且廣
州南海番禺三志皆云趙佗所築似有可信而
通志謂在硬步者意趙佗築朝漢臺于固岡而
南漢另立郊天臺于硬步二臺不同未可知也
西臺 在城東四十里極扶胥之勝過客登覽多
所留題別駕李文卜居于此

鶴舒臺 去白雲山一里安期生飛昇處廣州府
志名飛昇臺

妙高臺 在靈洲寶陀寺臺中祀坡仙遺像有石
刻坡公詩靈洲山上寶陀寺白髮東坡又再來

三城古蹟 卷七
前世德雲今我是依稀猶記妙高臺之句欲于壁

見日臺 在西樵山大科峯巔舊有古臺明嘉靖中湛文簡廓而新之後權使曾重建九日遊人觴詠于此

御書閣 在聚隆岡西舊有康與之隱順菴紹興中謫居于此以藏宋高宗御書故名又謂學士李祐卿墓在此宋度宗常賜以恩袍草色動仙籍桂花香之聯建閣以藏之未知孰是

鑑空閣 一在城上一在郡西五十里崇福寺前

俯江流

海印閣 在城東南海上當省會西北二江之下游明萬歷中知府郭師古建

棲霞閣 在靈洲山副使徐文溥改名控海樓

蓮鬚閣 在城東豪賢街明主事黎美周先生讀書處

晴眉閣 在豪賢街亦黎美周先生建

桂香閣 在榨粉街贈員外郎屈襄建

睡佛閣 在光孝寺內唐神龍間建中供睡佛金身一尊兩旁貯明正統時所頒大藏經典一藏

故又稱勅經樓

廣朗閣 在西樵山明尚書湛文簡建

二妙閣 在西樵山亦湛文簡建

鳴絃閣 在西樵山龐弼唐建

九思亭 在府學尊經閣後番山上宋乾道三年

經畧周自強建明景泰間重修通志曰番山亭
今廢

浴日亭 在南海神祠右小山屹立前有華表爲
望洋之所夜半見日出金輪翻湧赤波昕昕煒
煌數千萬里洵鉅觀也宋蘇文忠明陳文恭湛

文簡

國朝周人驥皆鑿石留題

餘莫亭 在朝臺唐刺史李毗建凡使客舟楫避
風雨者泊此

環翠亭 在靈洲宋蘇軾題

雲瀑亭 在白雲洞口

甘溪陸公亭 在城東北五里山下三國時吳刺
史陸印自西北百餘里築堤瀦水用便民汲民
德之建亭以志遺愛唐會昌中節度使盧均復
加疏鑿以濟舟楫更飾廣廈爲踏青遊覽之所

避暑亭 在陸公亭側五代南漢廣甘溪爲甘泉苑中爲浮盃池避暑亭卽今薛薛水也

光霽亭

愛蓮亭 俱在藥洲西明成化四年叅政張瓚建于濂溪書院之旁

玉虹亭

飲澗亭 俱在棲霞山泰泉書院明黃文裕佐建菊坡亭 在蒲澗後改爲佛殿

雙槐亭

在番山之西知縣黃瑜所居後改爲黃

氏家廟

看竹亭

在詩書街明通叅張詔居

敬亭

在西樵聚仙臺明嘉靖初宮保霍文敏建

萬歷己丑從孫尙守重修遊者多宴集于此

小西湖亭

在西樵山吉水峯下明嘉靖乙未大

學士方文襄建萬歷戊子其子知府方藻重修

御風亭

穗石亭

俱在五仙觀

僧歸亭

在棲霞山景泰寺今不存

廣平堂

在今藩府西側有宋璟遺愛祠樹張說

所撰碑

石屏堂 在城西宋經畧蔣之奇建下有池百餘步列石嶙峋卽南漢明月峽玉液池舊有含珠亭紫雲閣每端午令宮人競渡其間

秋澗草堂 在歸德門內左隱士陳英建其子御史陳則重修

瑞澤堂 在官園巷堂有古檜雷轟爲三相傳蘇軾南來于此信宿時有甘露降于其上

天山草堂 明禮部尙書何維栢建在河南何庄又名古林庄柏懸車講學之所今改爲尙書祠
粵會堂 在石門明成化六年總督韓雍建以爲

百粵山川之會也故顏之

粵洲堂 在粵秀山下隱士黃畿讀書處明嘉靖十五年巡按御史陳大用於草堂前隙地建亦名泰泉精舍

嘉顯堂 在仙湖里大學士何吾騶祖宅太史林承芳題

齊雲堂 在白雲山上宋創明嘉靖中重建今廢
宋索求詩巍堂聳太清日暮倚前楹飛鳥卻在
下落霞相與平眼中窮百粵掌上矚三城送客
一尊酒懷歸無限情

晚沐堂

大雅堂

俱在城西門外浮邱社明大學士趙志

建德故宅

在城西光孝街今光孝寺故址本趙

佗王宮而建德佗之五世孫也三國時虞翻著

書其中又謂爲虞翻宅或稱虞苑因翻種蘋婆

苛子于此又曰苛林而其始則建德故宅也

楊子宅

在珠江南岍漢章帝時議郎楊孚故居

孚嘗從洛陽移五鬣松種宅前冬雪盈樹人皆

異之因目其地曰河南蓋粵無雪而孚之松獨

有雪也唐許渾詩河畔雪飛楊子宅海邊花發

越王臺卽指此後城南有張瓊者掘地得一磚

刻云楊孝元宅瓊以爲瑞自號南雪尋漸聰悟

能詩孝元孚字也

廣安宅

在崇報寺東宋淳熙中運使管鑑兼提

舉常平請於朝買沒官田三十頃七十六畝復

以廣州沒官田以給民戶租佃者歲爲米七百

餘石錢九百餘貫貯常平庫以給仕宦子孫之

流落南土者宋末毀田八官故址卽今南海縣

清泉精舍

在粵秀山麓秘書黎民表建今廢

玉泉精舍 在西樵山湛文簡建

鉄泉精舍 在西樵山鄧德昌建

花塔 在城西朝天街六榕寺梁大同間刺史蕭譽爲曇裕法師建其形八方九九級高二百七十尺上有銅柱柱上一金寶珠以銅周迴爲圓一級一圓皆有銅鍊以護之塔下有魯般像一手遮目仰視塔所視處常爲雷震去凡數十葺之皆然廣州志載仁和吳元治詩孰似浮屠閣世長九層撐處認蕭梁游人莫作支提看中夜時騰舍利光

光塔 在懷聖寺唐時番人所建高十六丈五尺其形圓輪囷直上至肩膀而小四周無楯欄無層級頂上舊有金鷄隨風南北每歲五月番人望海舶至以五鼓登頂呼號以祈風信明洪武間金鷄爲風所墮乃易以風磨銅蒲盧上有榕一株白鶴棲之成化四年都御史韓雍重修花塔光塔爲一城之標形勝家常謂會城如大舶二塔其槽五層樓其舵樓云

六祖髮塔 在光孝寺佛殿後六祖初剃度時僧衆爲藏髮于此蓋髮冢也吾聞之佛以膚髮爲

三城古金 卷七
汨濁委而去之可矣何必作塔以藏使人見而
瞻禮是猶有我相在也

赤岡塔 在城東五里會城東郊之山左臂微伏
兩厓林巒與人居相錯纍纍若釜鐘然形家者
以爲中原氣力至嶺南而薄嶺南地最卑下乃
山水大盡之處其東水口空虛靈氣不屬法宜
以人力補之明萬歷四十七年直指王命璿倡
其議未半費詘工寢黃宮詹儒炳贊其役屬李
中丞待問嗣建暨陳都諫熙昌始落成之凡九
級觚稜峻起特立江干旁建寶相寺左築巒山

書院

海鰲塔 在城東南四十里漑漑洲上明萬歷間
縉紳王學會郭棐楊瑞雲屈羣言等建洲當會
城下游有二山連綴穹然若魁父之邱其內一
石山冢高平建塔其上名曰海鰲蓋以常有金
鰲浮出光如白日也赤岡海鰲兩塔屹然與白
雲之山並秀爲越東門戶引海印海珠爲三關
而全粵扶輿之氣乃完且固蓋吾粵諸郡以會
城爲冠冕會城壯則全粵皆壯乃今三塔在東
三浮石在西西以鎖西北二江之上游東以鎖

三城下金 卷七
西北二江之下流而虎門之內又有浮蓮塔以
東海口使山水迴顧有情勢力愈重是浮蓮塔
又爲江上之第三道塔云

二鐵塔 城西光孝寺有二鐵塔其在東者南漢
主劉鋹所造最下一層銘云大漢皇帝以大寶
十年丁卯歲勅有司用烏金鑄造千佛寶塔一
所七層并相輪蓮花座高二丈二尺保龍躬有
慶祈鳳歷無疆萬方咸底于清平八表永承于
交泰以四月乾德節設齋慶讚謹記塔南面之
左銘云內殿大僧錄教中大法師金紫光祿大

夫檢校工部尙書曉真大師沙門監造南面之
右銘云教中大法師內供奉講經首座金紫光
祿大夫檢校工部尙書寶法大師沙門監造北
面之左銘云教中大法師內供奉金紫光祿大
夫檢校工部尙書紹喜大師沙門監造西門之
前銘闕北面之右銘云教中大法師金紫光祿
大夫檢校工部尙書了聞沙門監造東面之左
銘云都監住持秀華宮使上將軍上柱國□伯
食邑十萬戶□□監造塔之在西者有銘云玉
清宮使德陵使龍德宮使開府儀同三司行內

侍監上柱國龔澄樞同女弟子鄧氏三十三娘
以大寶六年歲次癸亥五月壬子朔十七日戊
辰鑄造永充供養其東塔雕刻盤龍西者惟寶
蓮花而高大相等秀水朱氏有書光孝寺鐵塔
記跋云嗚呼僭竊之主未有愚於劉鋹者也謂
羣臣有家室顧子孫惟宦者可信不知其植黨
納賄更甚焉鐵塔建自大寶十年凡七層合相
輪蓮花座崇二丈有二尺觀其列名皆宦者也
當其時銀又範銅爲己像并肖諸子列于天慶
觀而今已亡之蓋合石刻之傳于世金之用博
故其鑠也易以予所見自唐以來惟景雲觀法
性寺二鐘銘及是塔記而已

貪泉 在城西北三十里石門之西晉吳隱之詩
云古人云此水一勺懷千金試使夷齊飲終當
不易心考之石門有泉飲之輒使人貪名曰貪
泉而東莞之南黃嶺有廉泉焉未聞有飲之而
廉者也何均之泉而廉者不能使人廉貪者乃
獨使人貪其人累泉乎泉累人乎

日華月華二泉 通志日華泉在草行頭千佛寺
側太陽照映與月泉相望月華泉在鹽倉街月

三金百金 卷十
華樓下月出則照映井底與日泉相望

日月二泉 日泉在詩書街龍王廟殿下月泉在金花夫人廟神座下有巨石覆之日之泉每夜輒有一日在其中月之泉每夜輒有一月在其中

星泉 在城西六里古金肅門外繡衣坊始鑿見星于井

居士泉 在舊巡撫廳前宋紹興中折彥質以忤秦檜謫至廣州鑿井得泉甚美人號曰居士泉又曰折公泉

學士泉 明正統中學士黃諫好品泉論郊畿以玉泉爲第一論京城以文華殿東大庖厨井爲第一作水記後謫廣州通判每遨遊白雲蒲澗間鑿鷄井傍石得泉品爲第一因名曰學士泉有記

九眼井 在歌舞岡之陽相傳尉佗所鑿其水力重而味甘乃玉石之津液志稱佗飲斯水肌體潤澤年百餘歲視聽不衰又嘗投杯于井從石門浮出舟人得之以爲神名越王井按通典南海有天井門天井者越王井門者石門也廣州

三城古金 卷七
諸井此最古南漢主亦嘗飲之號玉龍泉其廣丈餘有九孔文石爲蓋汲者欲得井華分縷而下甌罌各滿毋相抵觸人甚便之今井在粵秀山南麓方廣丈餘實一泉池耳宋丁伯桂以石覆之上鑿九孔故名九眼其泉味甚清冽卽大旱不涸會城官署民居均飲此幾如菽粟之不可一日闕至今稱尉佗之遺澤云

達磨井 光孝寺志在法性寺內深數丈甃以巨石味甚甘冽蓋石泉也其下時有魚游泳按舊經載會城水多鹹鹵蕭梁時達磨祖師指此地

有黃金民爭挖之深數丈遇石穴泉水迸涌而無金人謂師誑師曰是非可以飭而計者也今不知所在而府志云通志謂在悟性寺南海志謂在彌陀寺名勝志謂在粵秀山右卽白沙祠右井卒無確據當闕以俟考等語竊謂卽此井是也此井在寺最久諸志所引皆不及之豈以寺名屢易附屬不一以致傳聞異辭耶

洗鉢泉 南海縣志稱羅漢井在光孝寺東廊相傳達磨洗鉢于此而光孝新志則以洗鉢爲六祖之事當是

訶井 在光孝寺南廊外僧舍中古圖經云寺有訶子取此水和甘草煎乳白而甘又謂之訶子泉卽此是也人誤指爲羅漢井

西來井 在光孝寺六祖殿後相傳智藥三藏卓錫得泉用以溉菩提樹且曰此乃靈源與吾西天寶林不異後人因名西來雖大旱不涸井與旗舍相隣居人多就汲焉

流水井 在興隆街東通觀音山泉

龍起井 在仙羊街內小巷宋寶祐間侍讀鍾顯孫屋後古井有龍昇天是時子生因以龍起名

號稱神童及第此井用汲萬家并以名之

五眼井 在西察院左

雙眼井 在石馬槽

蟹眼井 在北門外石砍底湧泉如蟹眼故名爲省會第一泉

甜水井 在坡山右甜水宅

鮑始井 在越臺西南唐庚詩廢臺樛女後遺井

鮑始時圖志不指言其地鮑始葛妻鮑靚女也

東坡井 在元妙觀西廡宋蘇軾所鑿時得石肖龜形一名龜泉

孫龍圖井

洗白井 俱在城北

陸刺史井 凡二一在舊布政司堂西一在郡廨後並見明學士黃諫記按舊志郡城舊無井刺史始導泉甃之約百餘處今二井之外不可考矣

雙井 在城北施水菴旁井小而水淺有雙孔春夏溢出地上

八角井 康熙十年冬城隍廟井水竭道士夢神示以廟後有泉處掘之得八角井甃石完固大二丈餘水溢而清先是謗云未有城隍先有井未有廣州先有城其年代不得而知也

藥洲 一名石洲在城內古甕城西今提學署中卽其遺跡也志載南漢劉龔鑿湖五百餘丈聚方士煉藥於此洲以是名督學張明先以宋許彥先詩有花藥氛氲海上洲之句謂是曾種紅藥故名藥洲但粵中不見芍藥之植按謝眺詩紅藥當階翻固指芍藥此云花藥或栽花或種藥而云然歟宋熙寧元豐間士大夫元夕上元泛舟觴咏亦或於此避暑至嘉定中經畧陳峴

羊城百錄 卷中
疏鑿之輦石爲山建堂其中洲後有白蓮池池
上建奉真觀以祀五仙湖接東澳之流爲女溪
南有千秋寺北有八賢堂明洪武三年闢寺址
爲按察司署改觀址爲市舶公館移奉五仙于
坡山正統二年張明先考古志作宣德三年洲
西建濂溪書院成化四年叅政張瓚建光霽亭
七年建愛蓮亭嘉靖初遷書院于粵秀山麓改
爲提學署

國朝平藩遷署于育賢坊至康熙四十八年督學
張明先始復之想古藥洲地連南苑卽南漢白
龍見南苑者是也形勝廣潤宋時相去未遠故
稱盛焉明時八景有藥洲春曉則風流猶在也
厥後久淤變同陵谷至改學署時亦已蹙矣迄
今街名曰仙湖曰九曜曰西湖曰觀蓮或卽五
百餘丈之所際歟

九曜石 在古藥洲水中南漢劉龔鑿湖瀦水中
有九曜石志云南漢時罰罪人移自太湖及三
江所產者學使張明先駁之以爲韶石多類此
未必遠取以置此也石高八九尺或丈餘嵌崑
崙兀翠潤瓊瓏望之若崩雲旣墜復屹上多宋

羊城古金 卷七
人銘刻一石上有掌跡長尺二寸旁有米元章詩一石白色中空一圓石爲頂若牛頭大可五尺身中直通至頂四旁有十餘竇相穿一石通身有小孔如水泡沫一石獨大合三石爲之下有數萌長三尺許瑳如雪父老云向未經見此客石也久而生尊豈地之靈使然耶今亦摧折矣士大夫浮舟遊覽多刻姓名年月於石今并志于後

西北一石中刻轉運使度支郎中金君卿正叔轉運判太子中舍許彥先覺之管勾文孝殿中

中刻八分書至正甲申秋余奉命來鎮廣東適

官舍介于仙湖之左觀仙掌石刻乃宋嘉熙蕭

山缺一字宛然如新按羣志仙湖舊名石洲石

號九曜而仙掌居其一焉缺一字興斯石屹然猶

存余隴九仙之跡慨然興嘆遂識諸歲月缺一字

而刻銘無窮共臻千古之勝槩以缺一字云星鄜

文滙劍池頭月地壯遊推太華又觀仙掌五羊

洲至正中缺一字大夫廣東道宣慰使都元帥缺一字

敦詩志令史章缺一字安書丹

池上破石上刻嘉熙庚子孟秋長樂黃樸成父

約同郡唐璘伯玉莆田劉克莊潛夫泛舟仙湖
湖多怪石其二峯尤壯偉乃宅厥中缺一字作亭
焉左盤右踞勢若相缺一字而巖巖挺立又類乎
守道不屈者遂磨崖以識之

又刻士宏子高昌衡平甫元規正叔安道子適
丙午仲春十五日題

石刻重修濂溪書院記成化八年廣東提學僉
事新喻胡榮書

花田 古志稱在城西十里三角市平田彌望盡
種素馨花南漢宮中美人皆葬此月夜時聞笑

聲今河南庄頭村遍種素馨居人以此為業採
之穿燈販于城中婦女貫以圍髻其香芬馥亦
名花田黎美周先生素馨賦云向午如粟薄暮
放蕊望通衢之凝雪列七門而成市得人氣而
轉馥在晚粧之初洗圍寶鬢之盤盤貫玉屑而
齒齒果並擲于車前香可分于袖底雜寒具而
芬郁蘸琉璃之露水又云重五之晝雙七之霄
或張翠幄于龍舫或方蘭舟為鵲橋晝則艾虎
纍纍朱符飄飄飛入漿如比翼馳千舸若聯鑣
踏歌珠寺讌客西濠買花齊喚餘錢亂拋量三

斛之蒼璣疑乍泣乎老鮫與歌聲兮同貫侵酒
氣兮如綃宵則芳蕤作幄新月如鈞海上載求
仙之童女水際排乞巧之高樓燦明燈于重簷
儼列冕之垂旒何瓊瓏之雕玉覆火齊而作舟
總貫葢之所爲若鏤冰而籠篝布經緯以如意
象禽魚之優游恒有香以避暑縱無聲而知秋
廣恩館 在城北一里唐節度使孔戣建以居南
中謫宦子孫不能自存者歲撥田租千五百石
以贍之後爲開善寺

筆授軒 在光孝寺唐宰相房融註楞嚴經于此

宋經畧蔣之奇建

臨清軒 元趙建建今廢

瀟灑軒 在光孝寺宋經畧蔣之奇建

挹袖軒 在浮邱社明學士趙志臯建

白蓮池 在光孝寺風旛堂前相傳唐時卽有之
雍正年間建水亭其上清風漣漪殊增勝概學
使惠天牧于亭上書妙演南宗扁額柱間有陳
恭尹聯曰東土邪西土邪古木靈根不二風動
也幡動也清池碧水依然

劉王花塢 在城西六里半塘名華林園其芳華

三城古鏡 卷七
園芳春園俱在城北飛橋跨沼林木參差如畫
望春園在城南二里獨花塢故址宋末猶存芳
華苑在干佛寺側桃花夾水二里可通舟楫今
盡爲民居

昌華苑 一名顯德園亦南漢故址在荔枝灣廣
四十里今盡爲民居

安瀾門地 城南有安瀾門其地自僞南漢時從
百寶水浮來上有田禾苗方茂其主以爲天賜
甚喜識者以爲地宜靜不宜動一旦浮至在水
旁而有米有田於字爲潘禾者五穀之美其必

總鎮府花園嘉靖中改建大忠祠崇正間陳宗
伯黎主事復開社于此集諸名人題咏今建五
先生祠于大忠之左詳見祠壇

蓼水居 明高士黎密之居名人多留題詠然各
誌皆不載其所在

文水居 在大塘街明萬歷間建爲舉人黎崇敕
讀書處

石渠洞 在小北門內同知韋憲文建講學其中
有李見羅先生祠正學堂

東臯 在東門外御史陳子履建池亭樓閣山林

隴畝悉具爲一時名園今廢

北園 在小北門內舊貢院左原明黃文裕書院
崇正間黎主事遂球建池亭植花木其中今廢
洛墅 在東門外元運里地廣十餘畝爲明閣部
陳文忠園林有手題扁字

望氣樓 在靈洲山昔晉郭璞至此占之曰南海
盛衣冠之氣後建望氣樓

月華樓 在鹽倉街月華井上

擲硯亭 在舊貢院右明李子長初赴省試以搜
簡過嚴嘆曰此豈朝廷所以待士邪擲硯而去

當事者高之因建亭曰擲硯

聽笙亭 詳見山川浮邱石

風幡堂 在光孝寺白蓮池後唐六祖惠能得黃
梅衣鉢後至廣州法性寺值印宗法師講涅槃
經偶風吹幡動一僧曰風動一僧曰幡動六祖
曰非幡非風乃仁者心動滿座驚異詰論元奧
印宗契悟作禮告請西來衣鉢出示大衆乃於
菩提樹下爲六祖薙髮開東山法門風幡堂由
此名焉

演極堂 在古藥洲濂溪書院後明僉事胡榮召

羊城古鏡 卷七
諸生講學其中

抗風軒 在城南南園中明初孫典籍及諸名人吟咏之地今南園改建大忠祠而祠側仍祀南園五先生卽抗風軒也

煉丹井 在蒲澗昔安期煉丹於此泉味甘美烹之有金石氣井欄上刻八卦泉流下注爲大小水簾洞番禺志謂卽九龍泉通志亦云安期生隱此苦無泉忽有九童子見須臾泉湧始知童子蓋龍也故名曰九龍井

浮邱井 在浮邱社昔葛稚川飲之有海神獻珊瑚一株因名珊瑚井井旁多葦蒼草三月上巳遊人多採擷之

西塲 漢陸賈初至南越築城于番禺西泝以待佗其遺基在郊西十里地名曰西塲一曰西候津亭出城凡度石長橋一短橋二乃至前龜峯後花田白鵝潭吞吐其西白雲山盤迴其東泉甘林茂有荔枝灣花塲藕塘之饒洵樂土也
日近亭 在天字馬頭雍正七年布政使王士俊建

